

Klauzule navedene u ovoj zbirci se, nakon procjene rizika koji se osigurava, upisuju u polis. Klauzule iz tačke I. obavezne su, klauzule iz tačke II. koriste se ako postoji i ako je ugrađena protivpožarna zaštita ili postoje druge okolnosti koje omogućavaju odobravanje popusta na premiju osiguranja. Klauzule iz tačke III. upotrebljavaju se na osnovu dogovora s osiguranikom. Klauzule iz tačke IV. koriste se za uređenje posebnih osiguranja.

I. OBAVEZNE KLAUZULE

101. Uređaji za loženje plinom i gorivim uljem

- 1) Ako se za loženje koristi plin ili gorivo ulje, uređaji za loženje i pami kotlovi moraju odgovarati standardima i propisima.
- 2) Osiguranik je dužan uređaj za loženje i kotao redovno, najmanje jednom godišnje, tehnički pregledati i odmah popraviti moguće utvrđene nedostatke.
- 3) Ako osiguranik prekrši ijednu od obaveza navedenih u ovoj klauzuli i zbog toga nastane šteta, osiguravač može odbiti štetu.

102. Ciglane s tunelskim pećima

Tunelske peći ciglana moraju ispunjavati sledeće uslove:

- 1) Gornji svod na tunelskim pećima mora biti betonski ili od drugog vatrostalnog materijala.
- 2) Uljni, odnosno plinski plamenik mora biti opremljen termostatom.
- 3) Cisterne za gorivo ulje moraju biti izvan objekta u kojem je tunelska peć. Iznad tunelske peći smije biti najviše jednodnevna zaliha gorivog ulja (maksimalna količina 1000 l), koja je postavljena iznad zone hlađenja. Temperatura ne smije iznositi više od 80°C (termostatska kontrola).
- 4) Cjevovodi moraju biti namješteni tako da gorivo ulje, u slučaju kvara, po zakonu gravitacije otiče iz područja peći.
- 5) Gorivo ulje ili plin mora priticati kroz učvršćene cijevi, a ni u kom slučaju kroz gumene ili plastične cijevi.
- 6) U slučaju ispada električnog toka, mora biti tako uređeno da se toplota, koja se nalazi na gornjem dijelu peći, odvodi na slobodni prostor i to tako da ne dođe do akumuliranja toplote.
- 7) Ako osiguranik prekrši i jednu od obaveza navedenih u ovoj klauzuli i zbog toga nastane šteta, osiguravač štetu može odbiti.

103. Čuvanje gumenih rastopina i sl.

- 1) Nakon završetka rada, posude u kojima su ostaci gumenih rastopina i sl. gorivih materijala treba zatvoriti dobro prijanjajućim metalnim poklopcem.
- 2) Ako osiguranik ne poštuje te obaveze te zbog toga nastane šteta, osiguravač štetu može odbiti.

104. Uskladištenje sumpora

- 1) U skladištu sumpora moraju biti svi čelični dijelovi građevinske konstrukcije koji dolaze u dodir sa sumporom, pravilno uzemljeni.
- 2) Ako osiguranik nema skladište uređeno u skladu sa zahtjevima iz ove klauzule i zbog toga nastane šteta, osiguravač može štetu odbiti.

105. Uskladištenje jute i kokosa

- 1) Sirovi materijal jute ili kokosa mora biti uskladišten samo u za to određenim odvojenim objektima ili u prostorima koji su namijenjeni za glavnu proizvodnju, s tim da ti prostori moraju biti vatrostalno odvojeni od ostalih prostora.
- 2) U prostorima gdje se obavlja proizvodnja, smije biti samo toliko sirovog materijala jute i kokosa koliko je potrebno za proizvodnju prede i gotove robe tokom 24 sata.
- 3) Dovoljeno je preraditi samo otpatke iz vlastite proizvodnje, koje je potrebno spremati u vatrostalne posude.
- 4) Ako osiguranik ne poštuje obaveze navedene u ovoj klauzuli i zbog toga nastane šteta, osiguravač štetu može odbiti.

106. Predionica pamuka i vune

- 1) Za odmašćivanje sirovina za pređenje smiju se upotrebljavati samo za to odgovarajuće materije.
- 2) Zamašćeni materijal za pređenje, neočišćeni otpaci i nesortirane krpe moraju se skladištiti samo u prostorima koji su vatrostalno odvojeni od predionice. Količina neprerađenog zamašćenog materijala za pređenje ne smije biti veća od one potrebne za normalan početak rada. Prilikom prestanka proizvodnje, potrebno je materijal uskladištiti u protivpožarno sigurnim spremištima.
- 3) Ako osiguranik ne poštuje obaveze navedene u ovoj klauzuli i zbog toga nastane šteta, osiguravač štetu može odbiti.

107. Posude, kade

- 1) Paljenje i smoljenje drvenih posuda i kada mora se obavljati u posebnim, odvojenim zgradama, vatrostalno odvojenom prostoru ili na slobodnom prostoru. Te mjere nisu potrebne ako se topljenje smole obavlja pomoću pare.
- 2) Ako osiguranik ne poštuje obaveze navedene u ovoj klauzuli i zbog toga nastane šteta, osiguravač može štetu odbiti.

108. Sušionice žita i kukuruza

- 1) Sušionica mora biti opremljena akustičnim alammnim uređajem, koji počinje djelovati čim se temperatura suvog vazduha digne iznad određene granice (za sušenje žita 70°C, za sušenje kukuruza 90°C, na mjestu izlaza suvog vazduha iz komore za zagrijavanje). Prije svake upotrebe sušionice treba najprije provjeriti djelovanje alarmnog uređaja. Sušionica ne smije početi s radom ako alarmni uređaj nije besprekoran.
- 2) Sve djelove zgrade, kao i uređaj za sušenje, a posebno još i cijevi za dovodenje i odvođenje vazduha, treba svakodnevno čistiti od prašine. Žito i kukuruz, koji su u procesu sušenja ostali u cijevima i komori za sušenje, treba odmah odstraniti.
- 3) Cijevi za dovod vazduha treba najmanje jedanput nedeljno očistiti.
- 4) Djelovi sušionice kroz koje prolazi topli vazduh, moraju biti najmanje 1m udaljeni od uskladištene robe.
- 5) Svi prostori sušionice moraju biti opremljeni upotrebljivim aparatima za gašenje.
- 6) Ako osiguranik ne poštuje obaveze navedene u ovoj klauzuli i zbog toga nastane šteta, osiguravač može štetu odbiti.

II. KLAUZULE O ODOBRAVANJU POPUSTA NA PREMIJU OSIGURANJA

201. Sprinklerski uređaj (vodeni tuš)

- 1) Ako su osigurane stvari protivpožarno zaštićene sprinklerskim uređajem, prema važećoj tarifi premija odobrava se popust na premiju za požarno osiguranje, koji se upisuje u polis. Osiguranik ima pravo na navedeni popust samo ako sprinklerski uređaj i njegovo održavanje odgovaraju zahtjevima iz ove klauzule.
- 2) Uređaj, dovod i količina vode moraju udovoljavati važećim tehničkim propisima za sprinklere.
- 3) Osiguranik mora uređaj redovno održavati, zaštititi ga od zamrzavanja, čistiti i po potrebi mijenjati sprinklerske glave te brinuti da glave sprinklera nisu zatpane uskladištenom robom itd.
- 4) Uređaj mora biti najmanje jednom godišnje stručno pregledan. Pregled mora obaviti vanjska, za to osposobljena i ovlaštena institucija. Na zahtjev osiguravača osiguranik mora dostaviti potvrdu o obavljenom pregledu. Ako osiguranik to ne učini, osiguravač može sam obaviti taj pregled i zahtijevati povrat troškova ako za pregled unajmi vanjsku instituciju.
- 5) Ako osiguranik ne poštuje obaveze navedene u ovoj klauzuli, osiguravač može zahtijevati povrat odobrenog popusta na premiju.

202. Uređaj za gašenje suvim prahom

- 1) Ako su osigurane stvari protivpožarno zaštićene uređajem za gašenje suvim prahom, prema važećoj tarifi premija za osiguranje požara, odobrava se popust na premiju koji se upisuje u polis. Osiguranik ostvaruje pravo na navedeni popust samo ako uređaj za gašenje suvim prahom i njegovo održavanje odgovaraju zahtjevima iz ove klauzule.
- 2) Uređajem za gašenje suvim prahom smatra se uređaj koji je čvrsto ugrađen na jednom mjestu te ima jednu ili više posuda s prahom za gašenje, koje su pod pritiskom. Kod upotrebe tog uređaja pod pritiskom, koji je u posudi, uduvava se prah kroz cijevi u prostor koji je zahvatio požar. Posude s prahom moraju biti uređene tako da u slučaju požara uduvavaju u prostor najmanje 0,6 kg praha za gašenje na m3 i to najduže 30 sekundi.
- 3) Prostori koji su zaštićeni takvim uređajem, moraju biti protivpožarno sigurno odvojeni od susjednih prostora.
- 4) Rad uređaja za gašenje prahom mora nakon svakog punjenja, a bez toga najmanje jednom godišnje, provjeriti vanjska, za to osposobljena i ovlaštena institucija. Na zahtjev osiguravača, osiguranik mora dostaviti potvrdu o obavljenom pregledu. Ako osiguranik to ne učini, osiguravač smije sam obaviti taj pregled i tražiti povrat troškova ako je za pregled unajmio vanjsku instituciju.
- 5) Ako osiguranik ne poštuje obaveze navedene u ovoj klauzuli, osiguravač može zahtijevati povrat odobrenog popusta na premiju.

203. Uređaj za automatsko dojavljivanje požara

- 1) Ako su osigurane stvari protivpožarno zaštićene uređajem za automatsko dojavljivanje požara, odobrava se, u polis upisan, popust za požarno osiguranje u skladu sa tarifom premija za požarno osiguranje. Osiguranik ostvaruje pravo na navedeni popust samo ako uređaj za automatsko dojavu požara i njegovo održavanje odgovaraju zahtjevima iz ove klauzule.
- 2) Uređaj za automatsko dojavljivanje požara mora odgovarati važećim tehničkim propisima za te uređaje.
- 3) Osiguranik mora uređaj redovno održavati i svo vrijeme provjeravati sposobnost baterija koje omogućavaju rad uređaja i onda kada otkáže dovod električne struje iz javne mreže.
- 4) Osiguranik mora bar jednom mjesečno provjeriti djelovanje uređaja i o tome voditi pismenu evidenciju.
- 5) Uređaj ne smije biti nikada isključen, dakle ni u vrijeme kada se u osiguranim prostorima ne radi. Sve moguće popravke potrebno je obaviti za dana.
- 6) Uređaj mora biti najmanje jednom godišnje stručno pregledan. Pregled mora obaviti vanjska, za to osposobljena i ovlaštena institucija. Na zahtjev osiguravača, osiguranik mora dostaviti potvrdu pregledu. Ako osiguranik to ne učini, osiguravač smije sam obaviti taj pregled i zahtijevati povrat troškova ako za pregled unajmi vanjsku instituciju.
- 7) Ako osiguranik ne poštuje obaveze navedene u ovoj klauzuli, osiguravač može zahtijevati povrat odobrenog popusta na premiju.

204. Kontrolni satovi

- 1) Ako su osigurane stvari protivpožarno zaštićene sistemom kontrolnih satova, odobrava se, u polis upisan, popust na premiju osiguranja u skladu sa važećom tarifom premija za požarno osiguranje. Osiguranik ostvaruje pravo na navedeni popust samo ako sistem kontrolnih satova i njegovo održavanje odgovaraju zahtjevima iz ove klauzule.
- 2) Kontrolni satovi su specijalni satovi koji su fiksno učvršćeni na mjestima potencijalnih izvora opasnosti na području gdje su osigurane stvari. Ta mjesta određuje osiguranik u saglasnosti s osiguravačem.
- 3) Kontrolni satovi moraju biti konstruisani tako da na kontrolnoj traci ili računarskom zapisu zabilježe čuvarov dodir s ključem. Mogu biti konstruisani i na taj način da na posebnim kontrolnim kartonima, koje ima čuvar, zabilježe vrijeme i oznaku kontrolnog sata.
- 4) Kontrolne trake, kontrolne kartone ili računarske zapise mora svako jutro pregledati osiguranikova odgovornost i za to zadužena osoba s namjerom da provjeri čuvarove obilaskе.
- 5) Osiguranik je dužan svakih 6 mjeseci pregledati i provjeriti djelovanje svih kontrolnih satova.
- 6) Ako osiguranik ne poštuje obaveze navedene u ovoj klauzuli, osiguravač može zahtijevati povrat odobrenog popusta na premiju.

205. Kontrolni TV-sistem

- 1) Ako su osigurane stvari protivpožarno zaštićene kontrolnim TV-sistemom koji djeluje uz senzorsku i računarsku podršku, odobrava se popust, upisan u polis, u skladu s važećom tarifom premija za požarno osiguranje. Osiguranik ostvaruje pravo na navedeni popust samo ako kontrolni TV-sistem i njegovo održavanje odgovaraju zahtjevima iz ove klauzule.
- 2) Sistem mora djelovati neprekidno i tako da preko njega čuvar iz jednog centra, pomoću TV kamera ili senzora, TV ili računarskog ekrana, vizuelno nadzire ugrožena mjesta s osiguranim stvarima. Ta mjesta određuje osiguranik u saglasnost osiguravača.
- 3) Kamere se moraju uključivati u takvim vremenskim razmacima, da se pravovremeno može

uočiti početak požara, odnosno početak nastanka druge štete.

4) Osiguranik mora redovno održavati cijeli sistem, dosljedno se držati uputstva proizvođača te opreme, neprekidno provjeravati sposobnost baterija koje omogućavaju rad uređaja i onda kada otkáže dovod električne struje iz javne mreže.

5) Osiguranik mora obavijestiti osiguravača o svakoj šteti na sistemu koju nije moguće popraviti za 24 sata. Inače, sve moguće popravke treba obaviti za dana.

6) Ako osiguranik ne poštuje obaveze navedene u ovoj klauzuli, osiguravač može zahtijevati povrat odobrenog popusta na premiju.

206. Potpuno automatizovani mlinovi žita i kukuruza

1) Kod osiguranja potpuno automatizovanih mlinova koji su opremljeni i rade u skladu s odredbama ove klauzule, odobrava se u polisu upisani popust na premiju osiguranja po važećoj tarifi premija.

2) Od uskladištenja zrnja u mlinu do punjenja gotovih mljevenih proizvoda (mekinje, krupica, brašno) u vreće nema nikakvog ručnog rada.

3) Čišćenje zrnja obavlja se u mašinama koje od zrnja izdvajaju sve veće i manje primjese (aspirator).

4) Po obavljenom aspiriranju, to znači prije prvog sortiranja, zrnje se izloži djelovanju magnet (po mogućnosti trajni magnet).

5) Mora postojati praonica zrnja.

6) Ako postoji sušionica za vlažno i oprano zrnje, ona mora biti opremljena savremenim uređajima (izvori toplote, para, topla voda, pokazivač temperature, regulator temperature).

7) Pri mljevenju otpadaka mora biti uključen magnet za odstranjivanje mogućih metalnih stranih tijela. Prostor gdje se melju otpaci mora biti vatrostalno odvojen od ostalih prostora mlina. Ti uslovi moraju biti ispunjeni i tada kada se obavlja mljevenje otpadaka u "koperaju" ili ako su transportni elementi (cijevi) koji vode do mašina za mljevenje otpadaka, od lima.

8) Ako osiguranik ne poštuje obaveze navedene u ovoj klauzuli, osiguravač može zahtijevati povrat odobrenog popusta na premiju.

207. Mirovanje pogona

1) Ako je proizvodni pogon duže vrijeme (najmanje 3 mjeseca) izvan rada, odnosno u mirovanju, u skladu s odredbama ove klauzule, a po važećoj tarifi premija za požarno osiguranje, odobrava se popust na premiju osiguranja, koji je upisan u polisu.

2) Sve mašine, uređaje i aparate koji su izvan rada u pogonu, treba odmah nakon prekida rada temeljno očistiti i konzervirati. Dovod električne struje za njihovo napajanje treba isključiti.

3) Nakon prekida rada proizvodnog pogona sve prostore treba temeljno očistiti, smeće i otpatke treba ukloniti.

4) Uređaji za gašenje moraju biti redovno održavani i u upotrebnom stanju.

5) U pogonu mora biti osiguran stalni nadzor.

6) Čim je počela raditi samo jedna mašina, uređaj ili aparat u proizvodne svrhe, smatra se da je mirovanje pogona prekinuto. Rad pojedinih mašina, aparata i uređaja jedino radi održavanja ne prekida mirovanje pogona.

7) Ako mirovanje traje više od godinu dana, treba prije ponovnog puštanja u pogon stručno pregledati električne uređaje i o tome osiguravaču dostaviti odgovarajuću informaciju.

8) Ako osiguranik ne poštuje obaveze navedene u ovoj klauzuli, osiguravač može zahtijevati povrat odobrenog popusta na premiju.

III. KLAUZULE O UKLJUČENJU POJEDINAČNIH STVARI I OPASNOSTI U OSIGURANJE

300. Proširenje osiguravajućeg pokrića zbog opasnosti slijeganja tla

(1) Slijeganjem tla, u smislu ovih Uslova, smatra se iznenadno vertikalno pomjeranje tla - ulijeganje kao geološka i hidrološka pojava.

(2) Osiguranjem su obuhvaćene štete od uništenja i/ili konstruktivnog oštećenja osiguranih stvari. Pod konstruktivnim oštećenjem osiguranih stvari smatraju se deformacije, pukotine, lom pojedinih vitalnih djelova, objekata, uređaja, instalacija i sl., bez kojih se objekat, uređaji, instalacije i sl. ne mogu staviti u predviđenu funkciju i/ili bezbjedno koristiti.

(3) Osiguranjem nisu obuhvaćene štete na osiguranim stvarima kod kojih nije nastalo oštećenje u smislu stava (1) i (2) ovog člana:

1) slijeganje zbog greške u statičkom proračunu;

2) promjene estetskog izgleda osigurane stvari;

3) centriranje, ispitivanje i puštanje u rad mašina i uređaja kod kojih nije nastalo oštećenje vitalnih djelova;

4) ispitivanje i puštanje u rad svih instalacija;

5) lom stakla svih vrsta;

6) pukotine na zemljanim objektima koje ne ugrožavaju stabilnost ili funkcionalnost objekta;

7) pukotine na svim djelovima građevinskog objekta koje ne utiču na stabilnost tog dijela ili cijelog objekta;

8) malterske pukotine svih vrsta;

9) pukotine na keramičkim i drugim obložnim pločama;

10) molersko-farbarski i soboslikarski radovi na građevinskim objektima.

(4) Osiguranjem nisu obuhvaćene indirektno štete, kao posljedica slijeganja tla:

1) gubitak proizvodnje;

2) gubitak zbog prestanka rada;

3) ugovoreni gubitak ili odgovornost;

4) troškovi učinjeni na spasavanju i raščišćavanju;

5) troškovi sanacije tla.

(5) Proširenje osiguravajućeg pokrića po ovoj klauzuli vrijedi bez obzira na isključenje u važećim Opštim uslovima za požarno osiguranje US-poz.

301. Proširenje osiguravajućeg pokrića zbog prodora atmosferskih padavina s krova

(1) Osiguranje pokriva i štete na osiguranim stvarima nastale od prodora atmosferskih padavina (kiša, snijeg, grad i sl.) s krovova zgrada, ako odvodne cijevi ili žljebove začepi grad (tuča) ili nevremenom nanese stvari. To osiguranje pokriva i štete što ih prouzrokuje preobimnost atmosferskih padavina koju ne mogu odvoditi odvodne cijevi, iako su odgovarajuće dimenzionisane, redovno održavane i čišćene.

(2) Proširenje osiguravajućeg pokrića po ovoj klauzuli vrijedi bez obzira na isključenje u važećim Opštim uslovima za požarno osiguranje US-poz.

302. Proširenje osiguranja zbog težine snijega

1) Bez obzira na isključenje pokrića po važećim Opštim uslovima za požarno osiguranje US-poz, ovo osiguranje pokriva fizičku štetu na osiguranoj zgradi i osiguranim pokretninama, ako ona u njoj nastane zbog težine snijega. Pokrivena je i šteta ako snijeg baci ili sruši na osiguranu zgradu kakav predmet.

2) Šteta po toj klauzuli pokrivena je samo ako je težina snijega po m² veća od 100 kg i ako je šteta nastala u manje od 24 sata od kada je prestalo sniježiti.

3) Troškove za uklanjanje snijega osiguranje ne pokriva.

303. Proširenje osiguranja zbog zlonamjernih obijesnih djelovanja

1) Ovo osiguranje pokriva štete na vanjskim djelovima stalno nastanjenih ili čuvanih građevinskih objekata koje su nastale zbog obijesnih djelovanja trećih lica. Ovo se osiguranje zaključuje na "prvi rizik".

2) Među oštećenja obuhvaćena tim osiguranjem spadaju takođe i razni natpisi, crteži i mrlje po fasadama te drugim djelovima osiguranog građevinskog objekta.

3) Osiguranje ne pokriva štete na raznim antenama i njima pripadajućoj opremi (ojačivači, stubovi, nosači, konzole, instalacije i sl.). Oštećenja koja su prouzrokovala poznata ili nepoznata motorna vozila nisu pokrivena. Isto tako, ovo osiguranje ne pokriva štete koje su nastale kod provalnih krađa, razbojništava ili pokušaja tih djelovanja.

4) Osiguranik u svakoj šteti učestvuje u visini 10 % od obračunate naknade iz osiguranja, ali ne manje od 65 EUR.

5) Svaku štetu koju osiguranik prijavljuje osiguravaču, mora prijaviti i ovlaštenom organu unutrašnjih poslova (policiji).

304. Proširenje osiguravajućeg pokrića zbog indirektnog udara groma

1) Bez obzira na isključenje pokrića iz stava (2) člana 3. Opštih uslova za požarno osiguranje US-poz, ovom klauzulom se za aparate i instalacije navedene u polisu pruža osiguravajuće pokriće za štete nastale zbog indirektnog udara groma koji se prenosi preko električnih i drugih vodova.

2) Uslov za sklapanje tog osiguranja je da su osjetljiviji aparati, kao što su telefaksi, automatske telefonske sekretarice, telefonske centrale i sl., zaštićeni ugrađenom prenaponskom zaštitom za električno napajanje, kao i za njihov impulsi, odnosno signalni dio. Sistem prenaponske zaštite mora biti ispitivan odgovara li namjeni; to je obavljen certifikacioni postupak za prenaponsku zaštitu, što ga izvodi ovlaštena institucija.

305. Proširenje osiguravajućeg pokrića zbog radioaktivnog djelovanja

Osiguranje pokriva i štetu na osiguranim stvarima nastalu zbog djelovanja radioaktivnih izotopa, ako nastane u uzročno posleđičnoj vezi s drugom štetom koju pokriva požarno osiguranje. Vraćaju se takođe i troškovi za dekontaminaciju osiguranih stvari.

306. Proširenje osiguravajućeg pokrića zbog izlivanja vode iz otvorenih vodovodnih slavina

1) Osiguranje pokriva štetu nastalu kada voda iz slavine, koju je ostavilo otvorenom treće lice, ošteti zgradu ili pokretnine.

2) Za to osiguravajuće pokriće vrijedi ista suma osiguranja kao i za dodatno osiguranje izlivanja vode u okviru požarnog osiguranja.

3) U svakom osiguranom slučaju osiguranik učestvuje u dijelu štete (franšiza) iznosom od 50 EUR.

307. Proširenje osiguravajućeg pokrića za oštećenje umjetničkih i drugih predmeta na izložbama i u muzejima

1) Osiguranje pokriva fizička oštećenja na izložbenim predmetima i njihovim postoljima koja bi nastala prilikom njihovog postavljanja, montaže, demontaže i prenosa na području izložbenog prostora, kao i u vrijeme same izložbe.

2) Događaji, koje pokriva ovo osiguranje, su nespretnost i nemarnost osiguranikovih radnika te zla namjera i nespretnost posjetilaca izložbe ili muzeja.

IV. DRUGE KLAUZULE

401. Osiguranje skica, aktova, nacrt, podataka na nosačima podataka, modela, kalupa i uzoraka

1) Za skice, aktove, nacрте, podatke na nosačima podataka, modele, kalupe i uzorke koji su posebnim dogovorom uključeni u osiguranje, u osiguranom slučaju se naknada iz osiguranja određuje s obzirom na dogovorenu sumu osiguranja i način osiguranja.

2) U slučaju štete, osiguranik mora na osnovu vjerodostojnih podataka, kao što su knjigovodstvene evidencije, računi i sl., dokazati postojanje i količinu tih stvari i podataka na nosačima.

3) Ako osiguranik ne može dokazati kako te stvari i podatke na nosačima neće moći obnoviti u roku od dvije godine od dana nastanka osiguranog slučaja, osiguravač će za štetu nadoknaditi samo vrijednost materijala od kojeg su bile te stvari izrađene, odnosno vrijednost samih nosača na kojima su bili zapisani podaci. U slučaju sumnje, osiguravač može odgoditi plaćanje naknade iz osiguranja na vrijeme do dvije godine od dana nastanka osiguranog događaja.

402. Osiguranje gotovine, vrijednosnih papira i dokumenata

1) Gotovina, vrijednosni papiri i dokumenti osigurani su samo ako su u zaključanom spremištu koje je navedeno u polisu.

2) Vrijednosni papiri i dokumenti moraju biti upisani u popis, gdje su navedeni svi podaci potrebni za njihovu identifikaciju. Taj popis mora biti pohranjen na sigurnom mjestu koje nije ono isto mjesto na kojem se nalaze osigurani vrijednosni papiri i dokumenti.

3) Vrijednosni papiri i dokumenti mogu biti osigurani i za troškove javnog opoziva i njihovo ponovno izdavanje. Ako se zaključi takvo osiguranje, to mora biti u polisu posebno navedeno.

403. Isključenje osiguravajućeg pokrića za opasnost oluje i grada (tuče) kod osiguranja rasadnika, staklenika, šatora i nadstrešnica

Osiguranje ne pokriva štete na rasadnicima, staklenicima, šatorima i platnenim nadstrešnicama koje je na njima ili na pokretninama u njima prouzrokovala oluja ili grad (tuča). Takođe nije pokrivena ni šteta koja nastane radi uticaja atmosferskih padavina kroz otvore na raslinjacima, šatorima i nadstrešnicama.

404. Osiguranje šumskih puteva, građenih u jednom sloju

1) Osiguranje obuhvata i šumske puteve, ako su građeni od samo jednog sloja debljine bar 30 cm.

2) Osiguranje pokriva nastalu štetu ako je bila oštećena najmanje trećina debljine cestovnog sloja.